

Na osnovu člana 26. Odluke o izvršenju Budžeta Općine Velika Kladuša za 2026. godinu („Službeni glasnik Općine Velika Kladuša“ broj: 17/25 i 7/26) i člana 3 i 9. Pravilnika o uslovima, kriterijima i postupku dodjele sredstava za sufinansiranje troškova medicinski potpomognute oplodnje, Općinski načelnik Općine Velika Kladuša, raspisuje:

JAVNI POZIV

za podnošenje zahtjeva za sufinansiranje medicinski potpomognute oplodnje za 2026. godinu

I

Pozivaju se partneri koji ispunjavanju uslove propisane Pravilnikom o uslovima, kriterijima i postupku dodjele sredstava za sufinansiranje troškova medicinski potpomognute oplodnje, da podnesu zahtjev nadležnoj Službi za upravu, društvene djelatnosti i zajedničke poslove Općine Velika Kladuša.

II

Ukupan iznos raspoloživih sredstava za sufinansiranje medicinski potpomognute oplodnje u Budžetu Općine Velika Kladuša planiran je u iznosu od 20.000,00 KM (slovima: dvadesethiljada).

Maksimalan iznos sredstava po korisniku iznosi 3.500,00 KM.

III

Pravo na podnošenje zahtjeva za sufinansiranje medicinski potpomognute oplodnje, imaju partneri koji ispunjavaju sljedeće uslove:

- Da žena nema više od 43 godine života,
- Da oba partnera imaju prebivalište na području općine Velika Kladuša,
- Da najmanje jedan partner ima prebivalište na području općine Velika Kladuša najmanje 5 godina,
- Da su partneri u braku ili vanbračnoj zajednici,
- Da su jedan ili oba partnera liječeni ili su u postupku medicinski potpomognute oplodnje.

IV

Prilikom podnošenja zahtjeva za ostvarivanje prava, partneri su dužni dostaviti sljedeću dokumentaciju:

- Kopije ličnih karata za oba partnera,
- Uvjerenje o kretanju za oba partnera,
- Izvod iz matične knjige vjenčanih ili ovjerena izjava o vanbračnoj zajednici,
- Nalaz i dokaz o neplodnosti izdat od nadležne zdravstvene ustanove,
- Predračun troškova potpomognute oplodnje izdat od domaće ili inozemne zdravstvene ustanove ili račun ukoliko se radi o refundiranju troškova,
- Dokaz o uplati, djelimičnoj uplati ili odbijanju sredstava od strane Zavoda zdravstvenog osiguranja Unsko-sanskog kantona,
- Broj tekućeg računa jednog od partnera.

Način na koji se može doći do tražene dokumentacije: Uvjerenje o kretanju za oba partnera pribavlja se kod Ministarstva unutrašnjih poslova USK-a, Odsjek za administraciju Velika

Kladuša, Izvod iz matične knjige vjenčanih pribavlja se u matičnom uredu, dok izjava može biti ovjerena kod Notara ili u Općini, medicinska dokumentacije, predračun/račun se pribavlja u zdravstvenoj ustanovi kod koje su vršeni pregledi i liječenje, a dokaz o uplati, djelimičnoj plati ili odbijanju sredstava pribavlja se kod zavoda zdravstvenog osigurnaja USK-a.

V

Postupak po javnom pozivu provodi Komisija koju rješenjem imenuje Općinski načelnik.

Komisija ima predsjednika i najmanje dva člana, a obaveze iste su da: pregleda pristigle prijave, vrši administrativnu provjeru prijave, utvrđuje ispunjenost uslova, sačinjava zapisnik o radu, predlaže listu korisnika i dostavlja prijedlog Općinskom načelniku.

Svaki član komisije će biti isključen iz postupaka dodjele ukoliko se utvrdi da je u sukobu interesa u odnosu na podnosioc prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi.

VI

Nadležna Služba obavještava podnosioc zahtjeva o rezultatima postupka slanjem pojedinačne pismene obavijesti podnosiocu.

Na pismenu obavijest podnosilac prijave može podnijeti prigovor Općinskom načelniku u roku od 8 dana od dana prijema iste.

VII

Sredstva se dodjeljuju svim podnosiocima prijave koji ispune uslove propisane Pravilnikom, javnim pozivom i odlukom utroška sredstava, prema redosljedu zaprimanja potpunih prijava i do utroška sredstava planiranih Budžetom Općine za tekuću godinu, s tim da je maksimalan iznos po korisniku 3.500,00 KM.

Ako broj podnosilaca koji ispunjavaju uslove premaši raspoloživa budžetska sredstva, Komisija će sačiniti listu prvenstva prema sljedećim kriterijima:

1. Starosna dob žene,
2. Broj prethodnih neuspjelih postupaka medicinski potpomognute oplodnje,
3. Socijalni status domaćinstva,
4. Broj članova domaćinstva.

Metodologija vrednovanja kriterija vrši se na sljedeći način:

1. Strosna dob žene (maksimalno 40 bodova):

- | | |
|---|-----------|
| - Od navršenih 40 do navršenih 43 godine | 40 bodova |
| - Od navršenih 37 do navršenih 40 godina: | 25 bodova |
| - Do navršenih 37 godine: | 15 bodova |

2. Broj prethodnih neuspjelih postupaka (Maksimalno 25 bodova)

- | | |
|----------------------------------|-----------|
| - 3 i više neuspjelih postupaka: | 25 bodova |
| - 1-2 neuspjelih postupaka: | 15 bodova |
| - Prvi postupak: | 10 bodova |

3. Socijalni status domaćinstva (Maksimalno 20 bodova):

- Oba partnera nezaposlena: 20 bodova
- Jedan partner nezaposlen: 15 bodova
- Oba partnera zaposlena: 5 bodova

4. Broj članova domaćinstva (Maksimalno 15 bodova)

- 4 i više članova: 15 bodova
- 2 do 3 člana: 10 bodova
- 2 člana: 5 bodova

Ukoliko dva ili više parova na rang-listi imaju potpuno isti broj bodova, a budžet javnog poziva ne može pokriti sve, prednost se utvrđuju sukcesivnom primjenom kriterija prema rasporedu iz prethodnog stava. Naredni kriterij se uzima u razmatranje samo ako prethodni kriterij nije doveo do razlike u bodovanju između prijava s jednakim brojem bodova.

VIII

Javni poziv ostaje otvoren do 30.11.2026. godine ili do utroška granta za raspodjelu sredstava.

Prijave s dokumentacijom dostavljaju se u zatvorenim kovertama s naznakom „Za medicinski potpomognutu oplodnju – NE OTVARAJ“ putem pošte na adresu: Općina Velika Kladuša Služba za upravu, društvene djelatnosti i zajedničke poslove, Ulica Hamdije Pozderca br. 3, 77230 Velika Kladuša, ili neposredno u zgradi Općine Velika Kladuša, putem pisarnice.

Za sve dodatne informacije u toku trajanja Javnog poziva mogu se dobiti u Službi za upravu, društvene djelatnosti i zajedničke poslove:

Kontakt osoba: Šahinović Jasmin, mag.pol.

e-mail adresa: jasmin.sahinovic@velikakladusa.gov.ba

Postavljanje pitanje i dostavljanje odgovora vršit će se putem elektronske pošte.

Javni poziv obradio

Šahinović Jasmin, mag.pol.

Broj: 02-11-2381-1/26

Datum: 11.08.2026. godine;

